



PNDS

Hamutuk Ita
Dezenvolve nasaun

Agostu 2015

Komunidade Partisipa iha Enkontru Aprovizionamentu Final

Komunidade Suku Usi Taqueno Realiza Enkontru Akontabilidade Final ba Implementasaun PNDS

Atu garantia transparansia no akontabilidade husi ezekusaun orsamentu ba implementasaun programa PNDS, Komunidade suku Usi Taqueno, Postu Administrativu Oesilo, Rejiaun Espesiál Oe-cusse partisipa iha enkontru akontabilidade final iha loron 15 fulan Julho 2015. Enkontru akontabilidade ne'e ninia objetivu atu informa ba komunidade suku liu-liu kona ba gastus orsamentu nomós rezultadu projetu ne'ebé komunidade sira finaliza ona.

Alokasaun subsídiu PNDS ba iha Suku Usi Taqueno ho montante US\$50,000.00, orsamentu ida ne'e inklui subsídiu rua mak hanesan : US\$6,000.00 ba subsídiu operacional no US\$44,000.00 ba subsídiu infraestrutura. Enkontru akontabilidade iha suku ne'e refere liu ba ezekusaun orsamentu ba iha item hirak ne'ebé mensiona.

Ekipa Implementasaun Programa (EIP) hanesan órgaun importante ne'ebé jere orsamentu suku, hato'o akontabilidade ba komunidade iha enkontru ne'e. Helena Caet, hanesan Tezureiru EIP, iha enkontru ne'e informa ba komunidade katak orsamentu operacional ho montante US\$6,000.00 ne'e ezekuta ona US\$5,251.90 no sei hela restu US\$748.10, orsamentu ne'e aloka ba iha atividade ne'ebé akontese iha suku liu-liu ba servisu administrasaun Ekipa Jestaun Suku (EJS) ninia hanesan selu insentivu, sosa ATK, organiza treinamentu ho enkontru iha suku nomós atividade relevantes ne'ebé akontese iha Suku ho aldeia.

Ekipa Konjunta monitoriza, verifica no avalia ezekusaun orsamentu PNDS iha Municipiu Ainaru no Manufahi.

Ekipa konjunta ne'ebé kompostu husi Ministériu das Finansas no Sekretariado Tekniku Programa Nasionál Desenvolvimento Suku Hala'o monitorizasaun no avaliasaun Interna iha Munisípiu Ainaru no Manufahi (12-14/08/2015). Atividade nee lidera husi Coordenadora Geral e Diretora PNDS, Dulce Guterres Junior no Diretora Husi Ministériu das Finansas, Lidia Sousa Guterres. Objektivo husi visita nee, atu monitoriza, avalia no verifica ezekusaun orsamentu ne'ebé governu aloka ba komunidade sira liu husi implementasaun programa PNDS atu nune'e komunidade sira bele ezekuta orsamentu ne'ebé aloka tuir mata dalan PNDS nian.

Kestaun ne'ebé ekipa verifica iha monitorizasaun nee mak foka liu kona-ba livru konta bankaria infraestrutura no livru konta bankaria operacional. Iha Verifikasaun livru konta bankaria infraestrutura no operacional ne'ebé ekipa verifica mak kupon pagamentu, resivo, koutasaun, kartaun identidade, insentivu ba ekipa EJS, cek orsamentu iha banku, brankas ka osan restu iha liman.

Progresu

Pilotu: Remata ona

Faze 1: Remata ona

Faze 2: Etapa 11 / 12

- Kompleta Konstrusaun
- Enkontru Akontabilidade Final, Auditoria & Evaluasaun.

Faze 3: Etapa 8/9

- Finaliza Kontratu ho Komunidade no Mobilizasaun Trabalhadores hodi implementa Projetu.


Faze 1 Siklu 2 : Etapa 4/5

- Formasaun Ba EJS
- Determina Prioridade




Prioridade sira Iha Nasional

Faze 1



Faze 2



- Saude
- Bee Mos no Saneamentu
- Edukasaun, Cultura e Desportu
- Agricultura, Siguranca Alimentar no Buka Moris
- Dalan, Ponte no Kontrolo de Cheias
- Solidariedade Sosial
- Sektor Seluk



Atu hetan informasaun tan:
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl

Ekpa Munisípiu 12 ho Rejiaun Espesiál Oe-Cusse Aktualiza Progresu Implementasaun Programa PNDS Liu Husi Radio Komunitade

Atu aktualiza progresu implementasaun programa PNDS, ne'ebé implementa iha suku hotu iha territóriu Timor Leste. Sekretariadu Tékniku Programa Nasional Dezenvolvimentu Suku (ST-PNDS) Liu husi Departamentu Komunikaun kria programa talk show ida iha radio komidade iha 12 Munisípiu ho Rejiaun Espesiál Oe-Cusse.

Talk show ne'e hanesan atividade rutina ne'ebé realiza kada fulan 3, iha tinan ida nee atividade talk show hahú hala'o iha fulan Agostu ho oradór mak Administradór Munisípiu, diretór Delegasaun, no Xefe suku, tanba autoridade lokál hirak nee mak hatene lolos kondisaun no difikuldade ne'ebé komidade sira enfrenta, espera liu husi dada lia iha rádiu komidade nee bele akumulá ideas husi autoridade sira atu bele hadi'a di'ak liu tan implementasaun programa PNDS.

Liu husi talk show nee parte Sekretariadu PNDS ne'ebé representa husi diretór delegasaun Munisípiu PNDS sira informa katak implementasaun programa PNDS implementa fazeadamente, faze pilotu ne'ebé implementa iha Suku 30, no Faze dahuluk ne'ebé implementa iha Suku 149, nia progresu atinji ona 100% ne'ebé finaliza tiha ona. Implementasaun faze ba daruak iha Suku 91 no faze ba datuluk hanesan faze ikus implementa iha suku 202, signifika katak suku hotu iha territóriu involve no implementa ona programa PNDS.



Enkontru Kordenasaun ba Fulan Agosto Diskute Kle'an Liu Kona-ba Prosesu Aprovizionamentu ho Atualizasaun Prosesu Transferensia Fundus Infraestrutura ba Faze 3

Enkontru Kordenasaun mensal Sekretariadu Tékniku PNDS nudar enkontru rutina ne'ebé sempre realiza kada fulan hodi diskute progresu no difikuldades ne'ebé hasoru iha implementasaun programa PNDS. Iha fulan Agosto enkontru kordenasaun nee hala'o iha Joao Paulo, Comoro Dili (28/08/2015).

Diretór Interinu PNDS, Rosito Guterres ne'ebé representa Kordenadór Jeral e Diretóra PNDS iha abertura enkontru nee afirma katak informasaun kona-ba progresu transferensia fundus infraestrutura ba faze 3 daudaun iha ona prosesu justifikasaun husi Ministro MPIE ho Vice Ministro MAE no submete ona ba Mof para kontinua prosesa tranferensia atu halo transferensia 100% dala ida deit, kestaun ida ne'e Ministériu Estatál ho Ministériu Planeamentu Investimentu Estratéjiku halo hela justifikasaun ba Ministériu Finansas atu nune'e subsidiu infraestrutura ba faze 3 ninia bele halo transferensia 100%, tanba prosesu transferensia ne'ebé Ministériu Finansas halo sei tuir prosesu ida uluk ninia hanesan transferensia 50% primeiru no 50% Segundo.

iha oportunidade ne'e Sr. Rosito mós akresenta kona-ba atividade ST-PNDS nia liu-liu iha aspetu kapasitasaun no formasaun ba funsionáriu PNDS iha area oin-oin ne'ebé hala'o iha rai laran no iha estranjeiru. Treinamentu iha estranjeiru ne'e fokus liu iha area programa planeamentu no estratéjia integradu kona ba finansas, jestaun konstrusaun iha area espesífiku estrada no ponte, no treinamentu iha rai laran fo atensaun liu iha area kursu lingua ingles, graphic design ba ekipa komunikaun, treinamentu ba fasilitadór tékniku postu Administrativu (FFPA) iha area jestaun ho kualidade infraestrutura báziku.